

Խ Մ Բ Ա Գ Ր ՈՒ Թ Ե Ա Ն Կ Ո Ղ Մ Ի Ց

Մեր խմբագրութեան հասած տեղեկութիւնները ցոյց են տալիս, որ արդարեւ միանգամայն անտեղի են եղել «Մուրճի» այս տարուայ յունուարի համարում Պարսկաստանից տպուած մի նամակի այն խօսքերը, որոնք արդէն հիմնովին հերքուած են երկրորդ №-ում գետեղուած Խորէն վ. Տէր-Վարդանեանի նամակով: Խմբագրութիւնս շատ ցաւում է, որ ակամայ այդ սխալմունքի մէջ է ընկել: Ինչպէս դժուար չէ եզրակացնել «Մուրճում» լոյս տեսած յօդուածներին՝ մեր խմբագրութիւնը Պարսկաստանի բարօրութեան և առաջադիմութեան նախանձախնդիր է և անկեղծ համակրանքով է վերաբերում այն բոլոր ձեռնարկութիւններին, որոնք ներկայումս սկսւում են Պարսկաստանում ազգաբնակչութեան բարոյական և մտաւոր վերանորոգութեան համար:

Տպագրելով «Մուրճի» ներկայ համարում պ. Շիր-վանդադէի պատմուածքը, մենք այդ առիթով պարտք ենք համարում յայտնել հետեւեալը. ի նկատի ունենալով, որ մեր ինքնուրոյն գեղարուեստական գրականութեան մէջ աշխատողների թիւը շատ չէ, «Մուրճը» միմիայն իր բնկետիստական բաժնում կ'ընդունէ՝ առանց գրական ուղղութիւնների հարց յարուցանելու այնպիսի գրուածքներ, որոնք բաւարարութիւն են տալիս խմբագրութեան պահանջներին և որոնք չեն պարունակում իրանց մէջ մեր ամսագրի ուղղութեան և աշխարհայեցողութեան հակառակ տենդենցիա կամ ոգի:

«Մուրճ» ամսագրի այս տարուայ յունուար և փետրուար ամիսների համարները սպառնում են, ուստի նոր բաժանորդներին այսուհետեւ ուղարկուելու են համարները միայն մարտից սկսած: Մեր խմբագրութիւնը երկրորդ հրատարակութեամբ լոյս կ'ընծայի «Մուրճի» յունուարի և փետրուարի համարները միայն այն դէպքում, երբ այդ համարները ցանկացող տարեկան բաժանորդների թիւը կը հասնի 100-ի:

Պ Ա Տ Ա Ս Խ Ա Ն Ն Ե Ր

- Կօնստանցա.** Բ. Ը. Վ.—30 ֆր. ստացանք, Համարները ուղարկուած են:
- Բուրէշ.** Ընթերցարան հայոց.—Բաժանորդագիրն 30 ֆրանկ է. ուղարկուած են №№ 1—4:
- Փիլիպպոպոլ.** Գրասիրաց Եղբայրական Վարչութեան.— Պիտի ուղարկէք ամբողջ բաժանորդագիրն:
- Շուշի.** Ա. Չ. Նիւթի շատութեան պատճառով դեռ ժամանակ չենք ունեցել ծանօթանալ:
- Մոսկուա.** Պ. Ս. Շահաղիզեան.—Ձեր 10 ռուբլով ուղարկուած է ՊԵ: ԲՃ: Աշտարակի գիւղական դատարանին:
- Երեւան.** Ա.—Դօ.—Ստացուել են: Անշարմար են:
- «Մուրճի»** հին բաժանորդներին.—1900 թուի բաժանորդները թո՛ղ բարեհաճեն շտապով լրացնել բաժանորդագրի մնացորդը, որպէս զի խմբագրութիւնը վաղօրօք իմանալ իր տարեկան բաժանորդների թիւը:

Վ Բ Ի Պ Ա Կ Ն Ե Ր

«Մուրճի» ապրիլի համարում մտել են ի միջի այլոց հետեւեալ վերապահները.

Երես	Տող	Տպուած է	պէտք է լինի
102	28	Նրանք ունենում էին	Նրանք երբ ունենում էին
107	38	Դիւրալի պատմութիւններով	սխալալի պատմութիւններով
109	27	զսպելու	զսպուելու
112	20	են ենթարկում	է ենթարկում
119	17	երկուան էր	երկուան էլ

Հրատարակիչ Է. Ժամանակաւոր խմբագիր՝

Կ. ԿՐԱՍԻԼՆԻԿԵԱՆ